

# Talaalii Pfizer COVID-19 Namoota Umurii 18 Gadiitiif

11/3/2021

Yeroo ammaa kanatti, talaalliin Pfizer COVID-19 talaalii COVID-19 isa tokkicha itti-fayyadama namoota umuriin isaanii waggaa 5 fi isaa oliitiif qoratamee hayyamamedha. Ragaan qorannoowwan talaalii Pfizer talaalichi namoota umuriin isaanii hanga 5 ta'eef miidhaa-maleessaa fi bu'a-qabeessa ta'uu isaa agarsiisu. Oomishtoonni talaalii biroonis namoota umuriin isaanii xiqqoo ta'e irratti talaalliwwan isaanii qorachaa jiru, garuu Bulchiinsa Nyataa fi Daawaa U.S. irraa hanga ammaatti hayyama hin arganne.

## Talaaliidhaaf hayyama maatii ykn guddistuu barbaachisa.

Daa'imman umuriin isaanii 5-17 talaalii COVID-19 f, haalota tokko tokko keessatti irraa kan hafe, hayyama maatii ykn guddistuu isaan barbaachisa. Seerota Minesootaa, kutaalee 144.341 hanga 144.347 ilaalaa. Maatiin ykn guddistuun waa'ee talaalii COVID-19 akka baranii fi daa'imni isaanii talaalii akka fudhatuuf hayyama dhiyeessuuf daa'ima isaanii waliin beellama talaalii akka isaan dhaqaniif isaan jajjabeessina.

Maatiin/guddistuun daa'imni isaanii akka talaalii fudhatuuf waliin dhaquu hin danda'an yoo ta'e, waa'ee adeemsa hayyama isaanii fi waraqaa dhugaa waa'ee Itti-fayyadama Yeroo Atattamaa (EUA) dhiyeessicha gaafadhaa. [Waraqaa Dhugaa EUA Pfizer-BioNTech Talaalii COVID-19 kan Dhukkubsattootaa fi Kunuunsa kennitoota umurii 12 fi isaa olii \(www.fda.gov/media/153716/download\)](http://www.fda.gov/media/153716/download) ykn [Waraqaa Dhugaa EUA Pfizer-BioNTech Talaalii COVID-19 kan Dhukkubsattootaa fi Kunuunsa kennitoota umurii 5-11 \(www.fda.gov/media/153717/download\)](http://www.fda.gov/media/153717/download). Kun akka Ibsawwan Odeeffannoo Talaalii talaalliwwan baratamoo biroo dura kennamuuti. Gaaffileen keessan deebii argachuu isaanii mirkaneeffadhaa. Bakkeewwan talaalii hawaasaa maallaqa mootummaa naannootiin dhaabbataniif, daa'imman umurii 15 fi isaa oliitiif maatiin ykn guddistuun biratti argamuu qabu.

## Beellamawwan talaalii Pfizer COVID-19 barbaadaa jirtuu?

Talaalliin COVID-19 hundaaf bilisaan kennama. Dhiyeessitoota talaalii COVID-19 barbaaduuf kaartaa [Talaalii COVID-19 Daa'immanii fi Saafelootaaf \(mn.gov/vaxforkids\)](http://mn.gov/vaxforkids) irraa fayyadamuu ni dandeessu. Osoo hin deemin dura, bakki talaalichaa talaalii Pfizer kan umurii daa'ima keessanii waliin wal simu dhiyeessuu isaa adda baafadhaa. Talaalliin daa'imman umuriin isaanii 5 hanga 11 talaalii Pfizer kan namoota umurii 12 fi isaa olii caalaa dooziin isaa xiqqoo kan ta'edha. Talaalii dooziiwwan addumaan daa'imman umuriin isaanii 5 hanga 11 ta'eef qophaa'e dhiyeessitoota talaalii Pfizer hundatu dhiyeessii isaa qaba miti.

Beellamawwan COVID-19 [Vaccines.gov](http://vaccines.gov) irrattii fi karaa kutaalee fayyaa hawaasaa naannoo [Minnesota: Kilinika Talaalii Barbaadaa \(prepmod.health.state.mn.us/clinic/search\)](http://Minnesota: Kilinika Talaalii Barbaadaa (prepmod.health.state.mn.us/clinic/search)) irratti argachuu ni dandeessu. Lachuun isaanii waan isin barbaachisu barbaaduuf oomisha talaalliitiin secca'uu isin dandeessisu.

